

作燒餅熟煨空心喫不過三兩度效

孫尚藥方治諸咳噫

橘皮二兩湯浸去瓢剉以水一升煎之五合通熱頓服更加枳殼一兩去瓢炒同煎之服效

梅師方主胃反朝食暮吐暮食朝吐旋旋吐者

以甘蔗汁七升生薑汁一升二味相和分爲三服

又方治醋心

檳榔四兩橘皮二兩細搗爲散空心生蜜湯下方寸匕

兵部手集治醋心每醋氣上攻如醞醋

吳茱萸一合水三盞煎七分頓服縱濃亦須強服近有人心

道藏輯要

肘後備急方

皇

虛集十

如蜚破服此方後二十年不發

治卒發黃疸諸黃病第三十一

治黃疸方

蕪菁子五升搗篩服方寸匕日三先後十日愈之

又方燒亂髮服一錢七日三服祕方此治黃疸

又方搗生麥苗水和絞取汁服三升以小麥勝大麥一服六七

合日三四此酒疸也

又方取藜蘆著灰中炮之令小變色搗下篩末服半錢七當小吐不過數服此祕方也

又方取小豆秫米雞矢白各二分搗篩爲末分爲三服黃汁當

出此通治面目黃卽差

疸病有五種謂黃疸穀疸酒疸女疸勞疸也黃汁者身體四肢微腫胸滿不得汗汗出如黃檗汁由大汗出卒入水所致方猪脂一斤溫令熱盡服之日三當下則稍愈

又方梔子十五枚栝蒌子三枚苦參三分搗末以苦酒漬雞子二枚令軟合黃白以和藥搗丸如梧子大每服十九日五六除熱不吐卽下自消也

又方黃雌雞一隻治之剉生地黃三斤內腹中急縛仰置銅器中蒸令極熟絞取汁再服之

又方生茅根一把細切以猪肉一斤合作羹盡啜食之

道藏輯要

肘後備急方

虛

虛集十

又方柞樹皮燒末服方寸匕日三服

又方甘草一尺梔子十五枚黃檗十五分水四升煮取一升半分爲再服此藥亦治溫病發黃

又方茵陳六兩水一斗二升煮取六升去滓內大黃二兩梔子十四枚煮取三升分爲三服

又方麻黃一把酒五升煮取二升半可盡服汗出差若變成疸者多死急治之方

土瓜根搗取汁頓服一升至三服須發汗當小便去不爾更服之

穀疸者食畢頭旋心怫鬱不安而發黃由失飢大食胃氣衝燼

所致治之方

茵陳四兩水一斗煮取六升去滓內大黃二兩梔子七枚煮取二升分三服湯去黃汁差

又方苦參三兩龍膽一合末牛膽丸如梧子以生麥汁服五丸日三服

酒疸者心懊痛足脛滿小便黃飲酒發赤斑黃黑由大醉當風入水所致治之方

黃耆二兩木蘭一兩末之酒服方寸七日三服

又方大黃一兩枳實五枚梔子七枚豉六合水六升煮取二升分爲三服

道藏輯要

肘後備急方

臺

虛集十

又方羌花椒目等分燒末服半錢日一兩徧女勞疸者身目皆黃發熱惡寒小腹滿急小便難由大勞大熱交接交接後入水所致治之方

消石礬石等分末以大麥粥飲服方寸七日三令小汗出小便當去黃汁也

又方亂髮如雞子大猪膏半斤煎令消盡分二服

附方

外臺祕要

柳枝以水一斗煮取濃汁半升服令盡

又方治陰黃汗染衣涕唾黃

取蔓菁子搗末平旦以井花水服一匙日再加至兩匙以知  
爲度每夜小便重浸少許帛子各書記日色漸退白則差不  
過服五升

圖經曰黃疸病及狐惑病並猪苓散主之

猪苓茯苓朮等分杵末每服方寸匕水調下

食療云主心急黃

以百合蒸過蜜和食之作粉尤佳紅花者名山丹不堪食

治黃疸

用秦艽一大兩細剉作兩貼子以上好酒一升每貼半升酒  
絞取汁去滓空腹分兩服或利便止就中好酒人易治凡黃

道藏輯要

肘後備急方

真

虛集十

有數種傷酒曰酒黃夜食誤食鼠糞亦作黃因勞發黃多痰  
涕目有赤脈日益憔悴或面赤惡心者是崔元亮用之及治  
人皆得方極效秦艽須用新好羅文者

傷寒類要療男子婦人黃疸病醫不愈耳目悉黃食飲不消胃

中脹熱生黃衣在胃中有乾屎使病耳

用煎猪脂一小升温熱頓服之日三燥尿下去乃愈

又方治黃百藥不差

煮驢頭熟以薑薑噉之并隨多少飲汁

又方治黃疸身眼皆如金色

不可使婦人雞犬見取東引桃根切細如筋若釵股以下者

一握以水一大升煎取一小升適溫空腹頓服後三五日其黃離離如薄雲散唯眼最後差百日方平復身黃散後可時時飲一盞清酒則眼中易散不飲則散遲忌食熱麪猪魚等肉此是徐之才家祕方

正元廣利方療黃心煩熱口乾皮肉皆黃

以秦芫十二分牛乳一大升同煮取七合去滓分溫再服差此方出於許人則

治卒患腰脇痛諸方第三十二

葛氏治卒腰痛諸方不得俛仰方

正立倚小竹度其人足下至臍斷竹及以度後當脊中炙竹

道藏輯要

肘後備急方

聖

虛集十  
川上八

上頭處隨年壯畢藏竹勿令人得矣

又方鹿角長六寸燒搗末酒服之鹿茸尤佳

又方取鼈甲一枚炙搗篩服方寸匕食後日三服

又方桂八分牡丹四分附子二分搗末酒服一刀圭日再服

治腎氣虛衰腰脊疼痛或當風臥濕爲冷所中不速治流入腿膝爲偏枯冷痺緩弱宜速治之方

獨活四分附子一枚大者炮杜仲茯苓桂心各八分牛膝秦  
芫防風芎藭芍藥六分細辛五分乾地黃十分切水九升煮  
取三升空腹分三服如行八九里進一服忌如前頓服三劑  
石諸腰痛或腎虛冷腰疼痛陰萎方